

# Pɔ̃ri wǎri d̀̀ pátírì ketirì Timōntee Di mpátírì tɔ̀ t̀̀ náàntì

Timōntee yɔ̃ do tú Sifu nwe kòo cice tú Kereki. Timōntee do yóó cɔuté Kuyie nke kpaá tú odapàà nwe. Pɔ̃ri do wǎri Timōntee dipátírì ketirì ke bo ò cau nyitié nyeyi kpeí nke. De kó itié nyeyi do tú: Dèè kó dimàà tu tikòntì kperε dè í wenni. Kàa dó kécooté a dò nkéyóu tidiiti matì, a me mbáá puoke yoo a yenke. De kó dipátírì ketirì miεke nke bè nàkémè mubáammu yó ndòmmè.

Kè Pɔ̃ri ò duónnè itié nhò bo ndòmmè otòntì sààwè kéndò ndibenkèrì sààrì betòbè kpeí nkényé ò bo mp̃immè Kuyie nkòbe kó diñnì.

*Di mpátírì náàntì duó ke d̀̀mmè*

1. Mudòummu 1:1-2
2. Itié nyì tukúnè Kirisi kòbe t̃nnì nè di kó betòmbè 1:3-3:16
3. Pɔ̃ri duóm̃mè itié Timōntee kè dè ntukúnè o móm̃muõ nho t̃mmú. 4:1-6:21

*Pɔ̃ri d̀̀um̃mè Timōntee*

<sup>1</sup> Mi mPɔ̃ri, Kuyie nhOdεεtíwè yu wè ke n d̀̀ò Yesu Kirisi ti baa wè kó ditònnì, múi wǎri di mpátírì,  
<sup>2</sup> Timōntee, m birε móm̃m̃ndε Kuyie nkó kuce miεke. Ti cice Kuyie nnè ti Yiè nYesu Kirisi bè da kuó mmesém̃mè ke da d̀̀ò mesàà nke da duó ndiwèi.

*Ti bo nyémè iyààbìsítié nyεmbè kpeí*

<sup>3</sup> N sòò kòri Maseduonni ke da nákému ke dà a nkpaá Efesi kèbaa bèè tiè nyiyáàbisítíé nkè bèè ì yóu, <sup>4</sup> ké bè nàké kè bèè yóu bè bo ntũmmè tináaànti detetirè kpeti, kényóu bè bo nféímmè ifuke, dè ce tinèitì nti. Dè í yóó bè teennè kè Kuyie mbè deeté, kù deerí wèè kù tá wènwè. <sup>5</sup> N yě nhá tì mbè tié nkè bè ndó Kuyie nku nè be yèmmè meməu kè tìmatì bá mbè bekùnè kè bè tá Kuyie nweti weti. <sup>6</sup> Bèmabè bùtínnému de kó itié nke dó tinèitì sǎntíke kpeti. <sup>7</sup> Ke dó kéntú bèè benkú Kuyie nkuó, bè né í yě ì tú mù weti weti.

<sup>8</sup> Ti yému ke tú ikuó wennimu kè nsà kàa dòòri ì yèmmè. <sup>9</sup> Ikuó í bo bèè dòòri mesàa mbe kpéí, nyi bo itookperí yembè kpéí nke nè bèè yete Kuyie nkpeti nè benitiyonkubè nè bèè dòòri meyei nnè bèè sènkú Kuyie nnè bèè kòu be cicèbè nè be yǎbè, ke tú benitikòùbè. <sup>10</sup> Ikuó bo bèè dauti dautinè betòbè be kpéí nke nè benitidaabè bèè dautinè benitidatòbè nè benitipòbè bèè dautinè benitipotòbè, nè bèè fiti benitibè ke yonnè nè beyáàbisítiebe nè bèè ò mpariku ke né sóu nnè bèè dòòri detere detere Kuyie nnáaànti kó itié nyete dè. <sup>11</sup> De kó itié mbo Kuyie nkùù kpeñni ke dòòri mesàa ku kó Tináaànsààti mièke nke. Kù ti nni nduó.

*Pòòri sǎntímè Kuyie nku sàà nkpeí*

<sup>12</sup> N sǎntímu Yesu Kirisi ò n dómè, ke n tǎáté ke n duó muwèrimú, kè m pĩ nho tómmú. <sup>13</sup> N do ò sǎámmu, ke fěũnko o kòbe, kè m mièke bè còú mbá nè memme kè kù n kuó mmesémmè ke yé n do í yémè n dòòri dè. <sup>14</sup> Kè ti Yiè nni ndòò mesàa mmediè ke n teennè kè n tá Kuyie ke kù dó n tàunnè mèè kpéí nYesu Kirisi. <sup>15</sup> Tináaànti tii ntú timómmənti nti, ke

dò mbá wè wè tì yie, Yesu Kirisi kòtení kútenkù ke bo dεεté benitiyeibe mbe, kè n tu beyeibe kóo ketiwè. <sup>16</sup> Kòò n kuó mmesémme mí mbeyeibe kóo ketiwè, ke bo benke o minnímè deumè bèè yó nhò tá bè yóó namè kérépété mufòmму mùù bo sáá. <sup>17</sup> Kuyie nyètìrì ndeu sáá. Kunku kuù tu okpààtì ke bo sáá, ke í kō, ti í wúó nkù. Kuù mää tú Kuyie nkè ti yó nkù sántí sáá. Kè dè mme ndò.

<sup>18</sup> N kóo dapàà Timōntee, n da nàké tìi náàntì wēnnému Kuyie mpāānāàntì náam̀bè do nàké tì a kpéí. Mpí nde kó tināàntì kè ti da teénnè kàa na kéma dimàù sààrì, <sup>19</sup> kéntá Kuyie, ke yíé nkù da náannè tì a yèmmè miεke. A báá dɔ̀ò bèmabè dòòmè ke yete Kuyie mbè náá ntì be yèmmè miεke ke fétinne be tákumè. <sup>20</sup> Be kó bèmabè tu Imindee nè Adekisántiri. N duó mbè dibɔ̀ò, kè dì bo bè fěũ nkè bèè yate bè bo nsáámmè Kuyie.

## 2

### *Ti bo mbáá mmèè botí Kuyie*

<sup>1</sup> Meketimè, n dó di mbáámmu Kuyie mbenitibè bemou kpéí, ké nkù bàá nke kù m̀óú dí kpa dè, ke kù sántí, <sup>2</sup> ké nkù bàá mbekpààtibè kpéí nnè bèè baké bemou be kpéí kè ti mbo bàmmùù kè dikɔ̀nkɔ̀nnì bá mbo, kè ti nkù tũ nke kù dé ke dɔ̀ori kù dómè. <sup>3</sup> Kuyie mme ndó, kunku kuù tu ti dεεtíwè. <sup>4</sup> Kù d́ómu benitibè bemouu cooté, ke ýfété timómmanti. <sup>5</sup> Kuyie mbo kumáà ndi, wèè tàunko Kuyie nnè benitibè kòò bo omáà, weè tu Yesu Kirisi wèè t̀úóté tinitik̀ntì. <sup>6</sup> Wèè duó nhomáà ke naá ntiyeti kè bè ò kùò kòò bo dεεté benitibè bemou. Kuyie mm̀nnì dii

do tū̀̀ke kò̀̀dò mè d̀̀d̀. <sup>7</sup> Kuyie nkù̀n n tããtè ke n d̀̀d̀ ku tã̀nnì, kè m bo náké bèè í tú Sifube timóm̃m̃nti kè bè ntã Kuyie. N náá mmóm̃muo nwe, n yí souí.

<sup>8</sup> N d́́ bá wè wè mbáá nKuyie nhò berínè kèè bíékè nè o yèmmè mem̃ou ndi, ke d̀̀d̀ mpáíí ke bá mm̃oke mekpà̀̀rìyèmmè yoo kemieke.

<sup>9</sup> Benitipòbè níí nyi tiyà̀̀tì mesà̀̀, bè bá nwanti idiítí ikperí kpeti nè mef̃im̃me mes̃o nkõme nè yetootõre nè medèi nke pããti tiyùti ke bo benke bemáà. <sup>10</sup> Bè kó tisãti ntú bè bo nd̃̃rimè mesà̀̀ nke dé Kuyie. <sup>11</sup> Onitipòkù níí nkém̃m̃ú itié mbéu, kèyie nyi yè mmù. <sup>12</sup> N yí d́́ onitipòkù ntiè nhonitid̀̀u yoo wè nhò baké. <sup>13</sup> Ke yé Kuyie nketé ke d̀̀d̀mè Adammu nwe ke dènte Efu. <sup>14</sup> Dè í tú Adammu nwe dib̃̃ò soutémè, Efu nwe di soutémè, kò̀̀d̀ yete Kuyie nkpeti. <sup>15</sup> Kuyie nné yóó deetému onitipòkù ò m̀̀ke dii m̀̀nnì ibí, kè nsà nkò̀̀d̀ kù tá ke kù d́́, ke kra meyi, kò̀̀d̀ yèmmè wenni.

### 3

#### *Kirisi k̀̀be t̃̃nnì kó benìùbè bo ndòm̃mè*

<sup>1</sup> Ti nnáãnti tu timóm̃m̃nti nti, kò̀̀d̀ m̀̀ou d́́ kènni Kirisi k̀̀be t̃̃nnì ò d́́ mutóm̃m̃ú sà̀̀m̃m̃u mmu. <sup>2</sup> Wèè ni Kirisi k̀̀be t̃̃nnì o borimè d̀̀d̀ nkénwennimu, kò̀̀d̀ mpo onitipòkù òmáà, kènño ke p̃̃i nhomáà, kèncii ke d̃̃ari dèè wenni, ke c̀̀ú bep̃̃d̀̀bè, kènño nke tiè mbenitibè Kuyie nnáãnti. <sup>3</sup> Ò bá ntú kunà̀yã̀̀kù, o mieke bá ntonni, wè nwenni ke bá nwanti yekpà̀̀rè, ò báá duş nho yèmmè idiítí. <sup>4</sup> Ò mp̃̃i nho c̃̃tè mesà̀̀, kò̀̀d̀ bí nhò dé ke yíé nho kpeti. <sup>5</sup> Kò̀̀d̀ niti í na ke p̃̃i nho c̃̃tè ò bo ỹime kèndake Kirisi k̀̀be t̃̃nnì kpéi? <sup>6</sup> Ò bá ntú wèè c̀̀utè Kuyie mbàmbà, ò yà̀̀d̀ bo m̀̀ote

tɛfentè kè Kuyie nhò kpetínné, dibòò tɛ m̀òòtɛ m̀èè botí kè kù dì kpetínné. <sup>7</sup> Bèè í tũ nKuyie kè bè báá pété bè bo ò wàtí tĩ kpréí, ò yàà bo ta dibòò kó timátí miɛke.

*Bewedəuntəmbè d̀ò nkéndòmmè*

<sup>8</sup> Bewedəuntəmbè borimɛ múnke d̀ò nkénwennimu kè bè bè dé, bè bá mməke yɛnò yèdé, bè bá ntũ tinaayààtì, bè bá ndəori mɛciì nkperɛ ke yo nyidíítí. <sup>9</sup> Bè ntũ ntimóm̄m̄nti, ke bá ncaari Kuyie nyètìrì. <sup>10</sup> Bè ní keté ké bè yàáké, kè bè na dɛ kó mutóm̄m̄ú bè né bè d̀òò bewedəuntəmbè. <sup>11</sup> Benitipòbè bèè tu bewedəuntəmbè be borimɛ múnke d̀ò nkénwennimu, bè bá nnáante betəbè kpréí nkénnə nke pĩ mbemáá, kè be d̀ə̀rìmè nweni dɛm̄u dɛ miɛke. <sup>12</sup> Owedəuntənti d̀ò nkémpo onitipòkù omáà ndi, ke pĩ nho cĩ̀t̀t̀ mɛsàà, k̀ò bí nyíé nho kpeti. <sup>13</sup> Bewedəuntəmbè bèè pĩ mbe tóm̄m̄ú mɛsàà mbè ð mbè dému, kè bè nàá nYesu Kiriisi kpréí nnè dikòm̄b̀ùò be borimɛ wenni m̀èè kpréí.

*Yesu wèè tu ti t̀ák̀m̀ kó dikũnni*

<sup>14</sup> N da w̄rì di mpátíri ke d̀ó kékətoomu b̀ambà nke da yà. <sup>15</sup> Kè mmɛ n yí c̄arìke ke k̀toò, di mpátíri bo da teennè k̀àa nyé a bo mpĩ mm̀èè botí Kuyie nkəbe cuokè mutóm̄m̄ú. Kuyie mbomu kè kuù t̀ timóm̄m̄nti yesā̀h̀k̀ ð ntə m̀èè botí tɛcĩ̀t̀t̀. <sup>16</sup> Timóm̄m̄nti dis̀rì kpeti Kuyie nti duó nti kè ti t̀ nàá nti dɛumu, t̀i tu: Kiriisi naá nhoǹt̀i nwe ke k̀tɛní, Muyaánsààm̀ù béim̄mu ò tumè timóm̄m̄nti yiè, kè Kuyie nt̄r̀è ò yà,

kè bè nàké o kpéi nyebotè,  
kè kutenkù kuməu kəbe ò yie,  
kòò dèke keĩnkè nè diyetidiəri.

## 4

### *Kuyie ndòò dèè kó dimàà wennimè*

<sup>1</sup> Muyaánsààmù ti náámmu nweti weti ke tú yewe sonye benitibè bo yete Kuyie nkó kuce kètũnne meyaábìsíyèmmè nè yebəkè kó itié. <sup>2</sup> Meyèmmè mèdémè yembè nè siyáábìsí yembè bo mbè sou. De kó siyáábìsí yembè dèmarè í káá mbe yèmmè bè dò mbè bè tũnnè timáti wũṣ̀ti nti. <sup>3</sup> De kó benitibè bo nnáá nke tú dipopuò í wenni, ke tú bè nci mudii mamù. Kuyie ndè dòò kè dè tu onitì kó mesàà mme, bèè yie nKuyie mbè yĩtému timómmənti, ke ṣ̀ kù dounnè mutōmmú kèdi. <sup>4</sup> Kuyie ndòò dèè kó dimàà wennimu, dèmarè í dò nkéyóu. Ti né dò nke ní kù dounnè mutōmmú mmu ké dè di. <sup>5</sup> Kuyie nnáaṅ̀ti nè mubáammu deè wénkùko deməu.

### *Kuyie nkóo tōnti sààwè dò nkéndōmmè*

<sup>6</sup> A ntiè nti Kirisi kəbe. Menìme a bo ntúmè Yesu Kirisi kóo tōnti sààwè, wèè bebíi Kuyie nnáaṅ̀ti sáà kè ti dōnnè o kó mudii ke tũ nKuyie nnáaṅ̀ti kó itié nweti weti a ì bebíi mèè botí. <sup>7</sup> Bútínnè tiyààr̀nèitì s̀ntíkè kpèti, ti í yóó da teennè Kuyie nkó kuce, kéyetoò kéndəari Kuyie ndómè. <sup>8</sup> A bo fěũmmè a kònti dè wennimu yie, a né bo yetoomè Kuyie nkó kuce deè p̄ṣ̀tè. Ke yé dè í tùmè mufōmmu muù mmáa kpéi nnè mùù kpaaní mu kpéi nke. <sup>9</sup> Tináaṅ̀ti móm̄m̄nti nti benitibè beməu dò nkéntá ti. <sup>10</sup> Dèè te kè ti p̄ mmutōmmú ke maù, ke yé ti támè Kuyie,

kunku kùù bo sáà ke dεερί benìtibè bεmou, dòke bèè kù tá.

<sup>11</sup> Á dò nké ntì mbè nàámmu, ke tí mbè tiè. <sup>12</sup> Á báá yóu kè bè da senkèrì a tú mèè kpéi rhodapàà. A náàntì nè a dǎ̀rìmè dè nwenni, kàa ndó betǎ̀bè, kénťá Kuyie mmesàà nke dǎ̀rì dèè wenni, kè bè nda wúó nke tū. <sup>13</sup> Á nkaà Kuyie nnáàntì benìtibè, ke tí mbè tūnni, ke tí mbè tiè nke kémú m bo tuokoomè. <sup>14</sup> A báá yè nKuyie nda pǎ̀ dìi pǎ̀nnì, kè ku pǎ̀nǎ̀nǎ̀ntì nǎ̀mbè tí bèi mbewedǎ̀nkótìbè da nǎ̀ ndìi mǎ̀nnì sinou ke bàntè Kuyie. <sup>15</sup> Totí a yèmmè de kó dipǎ̀nnì ìnkè, ke duó nhamáà de kó mutǎ̀mmú, kè bè nwúó nha kérìmè de ìikè. <sup>16</sup> Nda ke amáà kpéi nké mbè tiè nkè dè wenni, kénfííkú teii. Kàa dǎ̀rì memme a bo dεεté amáà, kédεεténè a tiè mbè.

## 5

### *A bo nni mèè botí benìtibè*

<sup>1</sup> A ní bá nnáánnè wèè da kótí mekperímè, a nhò nǎ̀ánnè ke dò nha cice, kénnáánnè bedapàmbè ke dò nha neí, <sup>2</sup> kéndǎ̀rì bepokótìbè ke dò nha yǎ̀bè, kéndǎ̀rì besapàmbè ke dò nha tǎ̀bè, ke timatì bá mbo di cuokè.

### *Kirisi kǎ̀be dò nkéndake bèè kúpobè kpéi*

<sup>3</sup> Á ndake bekúpobè bèè í mǎ̀ke bèè bè teénnè be kpéi, ké mbè dé ke dò nha yǎ̀bè. <sup>4</sup> Kòo kúpokù mǎ̀u me mmǎ̀ke ibí yoo o yaǎ̀bí, ìi dò nké nhò tǎ̀ ò do ì tǎ̀ mèè botí kèbenke ì tumè Kirisi kǎ̀be. Kuyie mme ndó. <sup>5</sup> Okúpokù wèè í mǎ̀ke wèè ò teénnè ò ò mbúó Kuyie nku, ke kù mmǎ̀ú meteèmmè sǎ̀á. <sup>6</sup> Okúpokù wèè dǎ̀rì ò dǎ̀mè ò kumu, kòo yèmmè né dò nhò fòu. <sup>7</sup> A dò nké tí mbè nǎ̀kémú kè bè ndǎ̀rì dèè

wenni. <sup>8</sup> Kòò mǎù í dake o kabe kpeí, dǎke o cǐtè kpeí, wè í tú Kirisi kou. Wèè í tǔ nKuyie nho kǎme ò tǔnèmu.

<sup>9</sup> Nte a dò nkéwǎri bèè kúpobè yètè ké mbè tǎ, wèè yenke onitidǔ omáà ke mǎke yebie sipisikuǎ. <sup>10</sup> Ke tiè nho bí mesàà, ke cǎú bepǎbè, ke yáí Kirisi kabe, ke dake besénnibè kpeí. Kòo tǎmmú mumǎu wenni.

<sup>11</sup> A báá wǎri bekúpobè bèè kpaá be, Kirisi kabe dò nkétǎ bè be kó yeyètè mieke. Kè dè yèmmè bè bo bútínnè bè dǎúnnè dii nùù Kirisi kéwǎte kéndó kéyenke, <sup>12</sup> kètǎte bè do dǎúnnè dii nùù Kirisi, kéyeténè Kuyie, <sup>13</sup> kénáá mbetǎnnédiebè, kéncenti centi sicéí, ke náante náante tii í tú be kpeti. <sup>14</sup> Dèè te kè n dǎ bekúpobè bèè kpaá ke be bè nyenkú, képié ibí, kéndake be cǐ kpeí, kè ti kprantídèntǎbè báá na ke ti wátí. <sup>15</sup> Ke yé bekúpobè mabè yóumè Kuyie nkó kuce ke tǔnne obǎkprǎtì kǎku. <sup>16</sup> Kòo kúpokù mǎù mǎke o kabe bèè tǔ nKuyie bè nhò tǎ, kòò bá ntú Kirisi kabe kó ditǎu kè bè ntǎ bèè í mǎke be kabe.

*Bè dò nkéntǎmè wèè nǎá Kuyie nnáànti nè ò dò kéndòmmè*

<sup>17</sup> Wèè nǎá Kuyie nnáànti ke ni Kirisi kabe tǐnni di nhò yietì kè dèè pǎtè di duǎ ndè bekúpobè kuce mèdémè. <sup>18</sup> Tì wǎrimu ke tú: A báá táú nfenàáfè nùù fè puoti dii mǎnni tidiiti. Ke wǎri kupíkù tekù ke tu: Bè dò nkényietìmu otǎnti. <sup>19</sup> Kè bè wátiri owedǎunkóti a báá yie nkè nsà kè bèdébè yoo bètǎati beè í yà ke béi. <sup>20</sup> Kòò mǎù dǎò meyei, nha ò kprannè benitibè ìkè kè kufǎwáá mbè pǐ nkè bèè yǎte meyei nkó mudǎrìmu.

<sup>21</sup> N da báámmu Kuyie nyìkè nè Yesu Kirisi kǎke nè Kuyie ntǎrè kù tǎátè yè ìkè, ke tú a ntǔ nde kó itié



ke bá mmàke yenò yèdéè, ke bá mbaàtì òmòu. <sup>22</sup> A bá ncáá a bo tãátémè onìtì, kòò nòó nsinòu, kòò duó mmutōmmú, kàa mè dòò, kòo do, a múnke kàkèmu de kó meyei mmièke, fí nnì nwenni páíí.

<sup>23</sup> Á bá nyò mmenie mmáà, nyò ndìfèè sámpó a pòutì yonku kpéí.

<sup>24</sup> Bèmabè kó meyei mpàнке ò nfeímu, kè betòbè kōme òò dente kéfeité. <sup>25</sup> Mesàà nkperè me ndò, bèmabè kōme òò nfeímu kè betòbè kōme òò dente kéfeité.

## 6

<sup>1</sup> Bèè tu Kirisi kòbe ke tú tidaatì bè ndé be yembè, kè dèe yie nkè bè báá sáá nKuyie nkésenkèrì ku náàntì. <sup>2</sup> Tidaatì tìi yembè tu Kirisi kòbe, tì báá yóu tì bo mbè démè ke dò bè tu bèmòu Kirisi kòbe. Tì petìnke dò ntì mpí mbe tōmmú mmu, kè dèe pèèté dè na ndòmmè.

### *Iyààbisítíé nnè tikpàtì mómmoni de kó tináàntì*

Nte a dò nké mbè tiè ntì ke yáúkunko be kòntì. <sup>3</sup> Kòò mòu tié nyitié mmaì ìi cǎǎnnè Kirisi kpèyi, ò yete Kuyie nkó kuce kpèti nti, <sup>4</sup> ke mòke tefentè, wè í yé dèmarè, ke mòke tineitì sòntíke kpèti, tìi ce nyekpàrè nè yesáàmbè, ke mòke mehèmmè, ke wúó mbetòbè beyeibe. <sup>5</sup> Bèè mòke de kó tineitì botí bè ténke í yé timómmoni, kè be yèmmè dò nkuwedòunce tu kuditikòku.

<sup>6</sup> Kuwedòunce kó tikpàtì tu dè bo nda naatinèmmè a mòke dè. <sup>7</sup> Ti yému ke dò nti í tóní dèmarè bè ti péi diì mǎnnì, ti me nyí yó ntò dèmarè ti kǔũ nyiè. <sup>8</sup> Kè ti mòke ti yo mmú, ke mòke tiyàatì dè ti sànnèmu.

<sup>9</sup> Bèè dó kènaá mbedítìkpàatìbè, bè òò do mebennímè

miεke nke kè iyentotí yeyii bè souté kè bèe ta meyei mmiεke, kéfeti kè dèe deè. <sup>10</sup> A bo duómme a yèmmè idíítí dè tu meyei nkó dikūnni ndi, bèmabè i ndòke ke déténe Kuyie nke fěūrì.

### *Pɔɔri tiémme Timōntee*

<sup>11</sup> Fǒ nKuyie nkóo niti, menténè amáà de kó meyei nkéntū Kuyie nke dɔɔri kù dǒ dè, kényíé nku kpeti, ké nkù dǒ, kénno nke mi nke bá ndori. <sup>12</sup> Mà dimàù sààri a tá mèè kpéi nKuyie nképété mufòmmu mùù bo sǎà Kuyie nda yu mùù kpéi nkàa nàké benitibè péu ìkè a kù támè. <sup>13</sup> Nè Kuyie nkùù duò mmufòmmu denennè demou ku yètiri nè Yesu Kirisi wèè do í yàte ò bo nákéme Pǔnsi Pidati ìkè ò tu wè o kperi, n da náámmu kè n tú: <sup>14</sup> A mpǐ nKuyie ntannùù kàa fòmmu nweni páíí, kòò mǎù báá da wátí, kè ti Yìè nYesu Kirisi yàa wētenní. <sup>15</sup> Kuyie ndiekù kùù mǎà mǎke muwērímú mumou, bekpààtibè kóo kpààti, kùù baké bèè baké, kè ku mǎnni tùðke ò bo wētenní. <sup>16</sup> Kuù mǎà fòù sǎà, ke ā kuwenniku diekù miεke kùù kòù inuò, òmǎù í yóó na ke tǒnko kùù borè. Òmǎù í yà Kuyie, òmǎù me mbáá na ké kù yà. Ku yètiri ndeu, kè kù nkpeñni sǎà. Kè dè mme ndò.

<sup>17</sup> Náké bèè mǎke ku ntenkù kó tikpàti kè bè bá mmǎke sifeí, bè báá duó mbe yèmmè tikpàti, ke yé bè í yémè ti pēnké dìi mǎnni. Bèè duó mbe yèmmè Kuyie nkùù ti duò ndemou, ke dǒ dè nti naati. <sup>18</sup> Náké be kè bè ndɔɔri dèè wenni, kè be borime nweni, kè bè nniti ke pǎā mbe kperi. <sup>19</sup> Memme bè bo pétémè tikpàti kēinkè kpeti, tìi yó mbo sǎà, kémme mufòmmu sǎà.

<sup>20</sup> Timōntee a báá yóu a bo mpĩmmè Kuyie nda duó mmùù tōmmú, menténè amáà bèè yèmmè dò mbè cii, ke dó tinèitì sǒntíkè kpeti. <sup>21</sup> Bèmabè yèmmè dò mbè ciimu ke dèténè Kuyie nkó kuce.

Kuyie nkó mesàà nní ndí bonè!

**Bibiri Kuyie Nnààntì Pátírì**  
**The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

---

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16